



შერიგებისა და სამოქალაქო თანასწორობის
საკითხებში საქართველოს სახელმწიფო
მინისტრის აპარატი

სატენდერო დოკუმენტაცია

ახალი ამაღების სააგენტოების მომსახურებები (CPV-9240000)

სახელმწიფო შესყიდვა გამარტივებული ელექტრონული ტენდერის საშუალებით.

დაფინანსების წყარო 2017 წლის სახელმწიფო ბიუჯეტი

სავარაუდო ღირებულება 8000 ლარი

2017 წელი

თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის;
2. ტექნიკური დოკუმენტაცია;
3. სახელმწიფო შესყიდვების შესახებ ხელშეკრულების პროექტი;
4. დანართი N1 რეკვიზიტები;
5. დანართი N2 ფასების ცხრილი.

1. ინსტრუქცია ტენდერში მონაწილეთათვის

1.1 ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. პრეტენდენტს არა აქვს უფლება წარმოადგინოს ალტერნატიული წინადადება.

1.8. სატენდერო განცხადებასა და სატენდერო დოკუმენტაციის დაზუსტების მოთხოვნა პრეტენდენტებს შეუძლიათ სისტემის მოდულის - „კითხვა/პასუხი“ მეშვეობით.

1.9. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

1.10. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

1.11. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში (დანართი #1), სატენდერო წინადადების წარმოდგენამდე.

1.12 სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.

1.13. შესყიდვის პროცედურების შესახებ ინფორმაციისა და განმარტებების მიღება პრეტენდენტებს შეუძლიათ სატენდერო კომისიის აპარატში. საკონტაქტო პირი: გიორგი ოთარაშვილი. მობ: 577 97 44 11. Email: otarashvili88@gmail.com

2. ტექნიკური დოკუმენტაცია

2.1. შესყიდვის ობიექტის ტექნიკური დავალება:

2.1.1 შესყიდვის ობიექტია შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატის მიერ ახალი ამბების სააგენტოს მომსახურებების შესყიდვა:

2.1.2 შესყიდვის საორიენტაციო ღირებულება შეადგენს **8000** (რვაათასი)ლარს.

2.2 პრეტენდენტმა უნდა უზრუნველყოს შემდეგი სახის მომსახურება:

- ნიუსების და ანონსების შეუზღუდავი მიწოდება (ერთენოვანი გამოშვება);
- სახელმწიფო მინისტრის აპარატის საქმიანობისა და ჩატარებული ღონისძიებების (პრესკონფერენციები, პრეზენტაციები, კონფერენციები და ა.შ) შესახებ ანონსებისა და ინფორმაციის მომზადება და გაშუქება, აგრეთვე მათი გავრცელება სხვა მედიასაშუალებებისა (თვეში არუმეტეს 10-ჯერ)
- შემსყიდველის მიერ ორგანიზებული ღონისძიებების შეკვეთილი ფოტო გადაღება (თვეში არანაკლებ 2-ჯერ).
- შემსყიდველისთვის მნიშვნელოვანი და საინტერესო თემების შესახებ ინტერვიუების და კომენტარების მომზადება და გავრცელება (თვეში არანაკლებ 1-ხელ).

2.2. პრეტენდენტი უნდა აკმაყოფილებდეს შემდეგ მოთხოვნებს:

- უნდა იყოს სანდო წყარო არა მხოლოდ მისი მომხმარებლისთვის, არამედ სხვადასხვა მედიასაშუალებისთვისაც.
- უნდა ავრცელებდეს ობიექტურ, მიუკერძოებელ ინფორმაციას 24 საათის განმავლობაში.
- უნდა იყოს რომელიმე მსხვილი მედიაჰოლდინგის წევრი, რომელიც აერთიანებს პერიოდულ გაზეთს, პერიოდულ ჟურნალს, რადიოს, ტელევიზიას, საინფორმაციო სააგენტოს, ინტერნეტპორტალს და ა. შ. რაც ჰოლდინგის სხვა წევრებთან თანამშრომლების შესაძლებლობას მისცემს სახელმწიფო მინისტრის აპარატს.
- პრეტენდენტს უნდა ჰყავდეს წარმომადგენლები (ჟურნალისტები) რეგიონებში-ბათუმი, ქუთაისი, რუსთავი, ტყიბული, თელავი, ფოთი, გურია, გორი და ა.შ.
- პრეტენდენტის საინფორმაციო ვებ-გვერდის უნიკალური ვიზიტორების რაოდენობა Google Analytics-ის მიხედვით უკანასკნელი 6 თვის განმავლობაში ყოველდღიურად უნდა შეადგენდეს 50 000 უნიკალური მნახველს.
- პრეტენდენტს უნდა გააჩნდეს ანალოგიური საქმიანობის მინიმუმ 5 (ხუთი) წლიანი (2012-2016წწ) მუშაობის გამოცდილება და მოსახლეობის ყველა სეგმენტზე გათვლილი მედიაპროდუქტი.
- შემსყიდველს უნდა ჰქონდეს პრეტენდენტის საინფორმაციო ვებ-გვერდზე განთავსებულ ანონსზე, ნიუსებზე, არქივებსა და ფოტო/ვიდეო მასალაზე შეუზღუდავი წვდომის შესაძლებლობა, მიმწოდებლის მიერ შემსყიდველისათვის გამოყოფილი პერსონალური user/password-ის საშუალებით.
- შემსყიდველს უნდა ჰქონდეს შემსყიდველის საქმიანობასთან დაკავშირებით მიმწოდებლის საინფორმაციო ვებ-გვერდის არქივში არსებული ყველა აუდიო, ვიდეო და ფოტო მასალის მიმწოდებელთან შეთანხმების გარეშე გამოყენების შესაძლებლობა.

- პრეტენდენტმა შემსყიდველის მიერ მიწოდებული ინფორმაცია მისი მიღებიდან შეძლებისდაგვარად მოკლე ვადაში უნდა განათავსოს ვებ. გვერდზე.
- პრეტენდენტმა უნდა მოახდინოს ინფორმაციის გავრცელება ქართულ ენაზე. შემსყიდველის მოთხოვნის შემთხვევაში რუსულ და ინგლისურ ენებზე.
- მიწოდებულ მომსახურებაზე წუნის აღმოჩენის შემთხვევაში მიმწოდებელი ვალდებულია აღმოფხვრას წუნი შეტყობინებისთანავე.
- მომსახურების გაწევის ვადაა ხელშეკრულების გაფორმებიდან 2017 წლის 31 დეკემბრის ჩათვლით.

2.3. ანგარიშსწორების პირობები:

2.3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2. ანგარიშსწორება მოხდება უნაღდო ანგარიშსწორებით ლარში.

2.3.3. ანგარიშსწორება მოხდება მიღება-ჩაბარების აქტის გაფორმებიდან და (კანონით დადგენილ შემთხვევებში) საგადასახადო ანგარიშ-ფაქტურის წარმოდგენიდან 15 (თხუთმეტი) სამუშაო დღის განმავლობაში.

2.3.4. საავანსო ანგარიშსწორება არ გამოიყენება.

2.3.5 დაფინანსების წყარო: 2017 წლის სახელმწიფო ბიუჯეტი

2.4. ფასწარმოქმნის ადეკვატურობა

2.4.1. ფასწარმოქმნის ადეკვატურობა იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 3 (სამი) სამუშაო დღეში დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით ან/და ინვოისით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.5. პრეტენდენტის მიერ სისტემაში ასატვირთი მონაცემები:

2.5.1. პრეტენდენტის რეკვიზიტები დანართი №1-ის შესაბამისად;

2.5.2. გასაწევი მომსახურების ფასების ცხრილი დანართი №2-ის შესაბამისად;

2.5.3. ანალოგიური საქმიანობის მინიმუმ 5 წლიანი (2012-2016წ) გამოცდილების დამადასტურებელი დოკუმენტაცია ან/და ინფორმაცია შემსყიდველი ორგანიზაციების დასახელებისა და სახელშეკრულებო თანხების მითითებით.

2.5.4. ინფორმაცია საინფორმაციო ვებ-გვერდის უნიკალური ვიზიტორების რაოდენობის შესახებ.

2.5.5. რეგიონებში წარმომადგენლობის (ჟურნალისტები) დამადასტურებელი დოკუმენტაცია.

2.5.6. ინფორმაცია მსხვილი მედიაპოლიტიკის წევრობის შესახებ, რომელიც აერთიანებს პერიოდულ გაზეთს, პერიოდულ ჟურნალს, რადიოს, ტელევიზიას, საინფორმაციო სააგენტოს, ინტერნეტპორტალს და ა. შ.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ 2017 წ.

შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატი შემდგომში წოდებული „შემსყიდველად“, წარმოდგენილი ----- სახით და -----, შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

ახალი ამბების სააგენტოების მომსახურების შესყიდვა (CPV-924 0000).

3. ხელშეკრულების ღირებულება

- 3.1. ხელშეკრულების ღირებულება შეადგენს ----- ლარს.

3.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

- ა) განახორციელოს გასაწევი მომსახურება 2017 წლის 1 იანვრიდან 2017 წლის 31 დეკემბრის ჩათვლით.
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

6.1. შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2. ინსპექტირებას განახორციელებენ -----, რომლებიც უფლებამოსილები არიან ინსპექტირება განახორციელონ როგორც ინდივიდუალურად, ასევე ერთობლივად.

6.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6. მომსახურების მიღება-ჩაბარების წესი

5.1 მომსახურების მიღება ფორმდება მიღება-ჩაბარების აქტით, რომელიც ფორმდება ყოველთვიურად წერილობითი ფორმით, მხარეთა უფლებამოსილი წარმომადგენლის ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

5.2 შესყიდვის ობიექტის მიღება-ჩაბარება განხორციელდება ყოველთვიურად, შესაბამისი მიღება-ჩაბარების აქტის საფუძველზე.

7. ანგარიშსწორება

8.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი იღებს ვალდებულებას გადაუხადოს მიმწოდებელს მიღებული გაწეული მომსახურების ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 15 (თხუთმეტი) სამუშაო დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ

დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0.02%-ის ოდენობით.

10.2. წინამდებარე ხელშეკრულების 6.4 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

10.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2017 წლის 31 დეკემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

17. მხარეთა რეკვიზიტები:

„შემსყიდველი“	„მიმწოდებელი“
შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატი ს/კ: 204 548 230 მის: ქ. თბილისი, ლეონიძის ქ. #3/5 ტელ: 299 97 08 სახელმწიფო ხაზინა ბანკის კოდი TRESGE22	მიმწოდებელი: -----, საიდენტიფიკაციო კოდი:----- მისამართი: -----, ტელეფონი: -----, საბანკო რეკვიზიტები: ბანკის კოდი:----- ანგარიში №-----,

s/s GE24NB0330100200165022	
----------------------------	--

დანართი N1

4. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი: _____

(თანხა ციფრებით და სიტყვიერად).

ხელმოწერა, ბეჭედი _____



5. ფასების ცხრილი

პრეტენდენტის დასახელება

N	გასაწევი მომსახურება	ერთი თვის მომსახურების ღირებულება	12 თვის მომსახურების ღირებულება
1	ახალი ამბების სააგენტოს მომსახურება		

ხელმოწერა, ბეჭედი _____